

訂唐王燾先生外臺秘要方第二十四卷目錄

背九門

癰疽一十四首

癰腫方二十五首

石癰方五首

癰癰方一十四首

附骨疽方八首

癰疽方一十六首

緩疽方四首

發背方四首

又按今有方三十九首

癰疽發背雜療方二十六首

高德按
直字下
癰既方

高德按
癰既方
當作癰

高德按
四首癰
當作四
十一首

王肅先生外臺秘要方第二十四卷

宋朝散大夫守光祿卿直秘閣判登聞鼓院上護軍臣林億等 上進

新安後學程衍道敬通父訂梓

癰疽方一十四首

集驗癰疽論黃帝曰夫子言癰疽何以別之岐伯荅曰榮
衛稽留於經脉之中則血泣而不行不行則衛氣從之從
之而不通壅遏不得行故熱大熱不止熱勝則肉腐肉腐
則爲膿然不能陷肌膚於骨髓骨髓不爲焦枯五藏不爲
傷故命曰癰黃帝曰何謂疽岐伯荅曰熱氣純盛下陷肌

膚筋髓骨肉內連五藏血氣竭盡當其癰下筋骨良肉皆無餘故命曰疽疽者其上皮天癢以堅亦如牛領之皮癰者其上皮薄以澤此其候黃帝曰善

出太素第十六卷中

經言五藏不調致疽六腑不和生癰一日癰疽急者二三日殺人緩者十餘日殺人二日癰疽急者十餘日殺人緩者一月死三日緩疽急者一年殺人緩者數年四日水疽所發多在手足數年猶可療疽者數十種要如此于氏法癰之疾所發緩地不殺人所發若在險地宜令卽外消若至小膿猶可療大膿致禍矣

一爲腦尸 二爲舌本 三爲玄癰 四爲喉節

五爲胡脉

六爲五藏俞

七爲五藏繫

八爲兩乳

九爲心鳩尾

十爲兩手魚

十一爲腸屈之間

十二爲小道之後

十三爲九孔

十四爲兩脇腸

十五爲神主之舍

一本云主客之舍

凡十五處不可傷而況於癰乎若癰發此地遇良醫能

不及大膿者可救至大膿害及矣

范汪同

候或風證但夜痛應骨不可按抑不得迴轉痛處不壯熱

體亦不乍寒乍熱但覺體疹疹然冷欲得熱熱慰痛處卽

小寬時有汗此是賊風證也宜卽得針灸服療風藥溫也

方在癰風候上大法宜知一二篇如此也

又初得附骨疽卽服漏蘆湯下之傳小豆薄得消也

又下利已瘥處未消者可除大黃用生地黃及乾地黃隨
時之熱而退熱風未歇者可服五香連翹湯除大黃餘熱
不消者傳升麻膏佳若失時不消成膿者用火針膏散如
瘰癧法又二天喜著四肢其狀赤脉起如編繩急痛壯
熱其發於心者口舌生瘡起至踝赤如編繩謂之脇病也
又其發於腎者言膝下起至掌也皆由四肢勞熱氣盛爲
涼濕所著三焦筋中成此疾也不卽療取消潰去膿則筋
攣結也其若但置不消復不潰其熱歇氣不散喜變作脇
也

藥之宜服漏蘆湯令下外以鋒針針去血氣針瀉上結
脈處傳小豆薄則消也皆可依療丹法消之及潰成膿出
火針傳膏散如療癰法也

又亦用其蕉根薄之差

又癰發腫高者病源淺腫下者病源深大熱者易療小熱
者難療初便大痛傷肌晚乃大痛傷骨都堅者未有膿半
堅半軟者有膿發腫都軟血痛也非癰發腫以漸知長引
日月亦不大熱時時牽痛癰也非癰吳音曰謂諸氣結亦
有腫久久不消成癰療之宜散氣氣已散若初腫處有浮
氣年衰皆發癰療之宜及年盛並折散熱可無此憂

于氏法夫癰疽脉洪麤難療脉微瀋者易療諸浮數之脉
應當發熱而反惡寒者癰也此或附骨以有膿也

趙乃言無虛勞腹中疾或發血瘤瘡瘡狀墳起頭墨正爾
置不當灸療療之火熨便焦爛剝刮去焦痂則血泄不可
禁必死癰起於節解遇頑醫不能卽消令至大膿者豈膏
藥可得復生乎

又發癰堅 石走皮中無根癰癰也久不消因得他熱之
疾時有發爲癰也

又發癰至堅而有根者名爲石癰療之法當服酒并酒
藥勢不宜但當稍飲取令相得和散便止凡癰腫有

貼宜栝樓根和平體宜赤小豆貼方

以赤小豆五合內苦酒中熬之畢擣爲散以苦酒和之塗拭紙上貼腫從發腫兩頭以下

范汪同

又論少小有渴年四十以外多發癰疽有膈痰而渴者年盛必作黃疽年衰必發癰疽也

范汪同

又黃帝曰願聞癰疽之形與其期曰岐伯曰略說癰疽之怪者十八種

又癰疽發咽名曰猛疽猛疽不療則血化爲膿膿不寫塞半日死其化膿者寫已則含豕膏無冷食三日而已一去無食

通發
發於股
肱重症
作發於
股脛名
曰股脛
疔
向德按
重極改
警作敗
疔連作
疔

又發於股脛名曰股脫疽其狀不甚變而癰腫膿搏骨不

急療三十日死

髀內曰股股外曰髀膝上股下骨髀曰股脛也

又發於脇名曰敗警敗警者女子之疾也久之其狀大癰膿其中乃有生肉大如赤小豆療之方

剉連翹草及根各一升以水一斗六升煮令竭取三升卽強飲厚衣坐釜上令汗出至足已

又發於尻者名曰銳疽其狀赤堅大急療之不療三十日死

又發於脛者名曰兔囁其狀赤至骨急療之不療害人

又發於足上下者名曰四淫其狀大如癰不急療百日死

針角少不及禍者

凡癰疽之疾未見膿易療之當上灸三百壯四邊間子灸各二百壯實者可下之虛者可補之有氣者下其氣服占斯內塞散得愈絕房三年凡癰瘡審知膿者破之皆當近下邊膿出後當膏藥兌之常使開潤勿令燥合也若其人羸勿一頓盡膿徐徐令後稍出乃盡癰方潰其上皮薄人喜當上破之此終不愈當下破之乃得膿耳勿要其皮厚也凡癰有膿當破無膿但氣腫若有血慎不可破針灸也按之四邊堅中軟此爲有膿濇也一邊軟亦有膿都堅者此爲蒞核或但有氣也都軟者此爲有血血瘤也當審堅軟

為要若堅疽積久後若更變熟偏有軟處不可破

當暖裏置耳若灸刺破療必暴劇不可救及結筋腫

肉鼠乳皆不當療也又服內塞散不與他療相害晝夜

十餘度服散當以酒

又發於腋下堅赤者名曰米疽療之用砭石欲細而長疎

啓之塗以豕膏六日已勿裏其癰堅而不潰者為馬刀挾

纓急療之太素經曰頸前已纓尚德按已纓疑當作曰纓

又發於股陰者名曰赤弛不急療六日死在兩股之內不

可療一云六十日死

又發於膝者名曰疵疽其狀大癰色不變寒熱如堅石勿

尚德按
靈樞

尚德按
靈樞
作施

作癰

石石之死須其柔色異乃石之者生

冷石熨之柔乃破之準例之也

又諸癰腫之發於節而相應者不可療

太素經云關入節門故不可療也

又發於陽者百日死

又發於陰者三十日死

丈夫陽器曰陽婦人陰器曰陰

又發於踝者名曰走緩其狀肉色不變數石其輪而止其

寒熱不死

又發於足傍者名曰厲疽其狀不大初從小指發急療之

去其黑者不消輒益不療百日死

云足側也

尚德按疽靈樞作癰

又發於胛者名曰背疽狀如大豆三四日起不早療下入

腹入腹不療十日死

太素經云寒熱不去十日早死

通按

初從靈樞作初

又按背疽靈樞作井

疽

又發於足指者名曰脫疽其狀赤黑死不療不赤黑可療
療不衰急斬去之得活不去者死

尚德按疽靈樞作癰

又發於膚者名曰舌疽其狀如穀實瓜萐常苦寒熱急療

之去其寒熱不療十歲死死後出膿

又發於頸者名曰天疽其狀大而赤黑不急療則熱氣下

入淵腋前傷任脉內熏肝肺十餘日死

太素經曰項日前曰頸

一云

發頭 以前十八種並又按並字下疑有脫字

千金論曰夫癰疽初發人皆不以為急此實奇患唯宜速

療若療不速病成難救以此致禍者不一發皆外皮薄為

癰皮厚為疽宜急治之夫癰壞後有惡肉者以豬蹄湯洗

尚德按千金

尚德按項曰之四字疑

疽作舌作耳

去穢次傅食肉膏散惡肉盡傅生肉膏散及摩四邊令善
肉速生當斷絕房室慎風冷勞煩待筋脉平復乃可任意
耳不爾新肉易傷傷則重潰發發則禍至慎之慎之
凡癰疽始發或似小癰或復大痛或復小痛或發如米粒
大白膿子此皆微候宜善察之見有少異卽須大驚忙須
急治之及斷口味速服諸湯下去熱毒若無醫藥卽灸當
頭百壯其大重者灸四面及頭上二三百壯壯數不慮多
也復薄冷藥貼膏種種救療必差也
又其用藥貼法皆須當瘡中處開孔口令洩瘡熱氣出亦
當頭以大針針入四分卽差

而癰按
千金云
便於藥
以謂無
至矣
至矣

尚德按
蜂千金
作蜂

身中忽有痛處似打狀名曰氣痛痛不可忍遊走不住發
作有時痛則小熱痛定則寒此皆由冬受溫風至春暴寒
風來折之不成溫病乃作氣痛也又宜先服五香連翹湯
摩丹參膏又以白酒煮楊柳皮及煖熨之有赤氣點點刺
出血也其連翹湯可服數劑及竹瀝湯勿以一劑未効便
謂即止遂不服耳中間將白薇散佳

素問曰寒氣客於經絡血凝滲澀不行擁結爲癰疽也不
言熱之作也其後成癰又陽氣湊集寒化爲熱熱盛則肉
腐爲膿也又以酢和蜂蛤灰塗之乾即易差即止

凡腫根廣一寸以下名癰一寸以上名小癰如豆粒大者